



Pou Piblikasyon Imedya: 31/12/2021

GOUVÈNÈ KATHY HOCHUL

**GOUVÈNÈ HOCHUL ANONSE PATENARYA ANT DEPATMAN SANTE NY AK  
GAD NASYONAL NEW YORK POU RANFÒSE KAPASITE ETABLISMAN SWEN  
SANTE YO NAN BEZWEN PÈSONÈL YO**

***DOH Eta NY ap kòmanse fòme Sòlda Gad Nasyonal New York pou yo vin EMT  
Sètifye***

***Sètifikasyon an ap pèmèt manm ki an sèvis yo vin disponib pou deplwaman klinik  
nan zòn ki nan bezwen yo***

Gouvènè Kathy Hochul te anonse jodi a yon nouvo patenarya ant Depatman Sante (Department of Health, DOH) Eta New York ak Gad Nasyonal New York (New York National Guard) k ap fòme sòlda yo pou vin EMT sètifye, k ap pèmèt gen manm sèvis siplément pou deplwaman klinik nan etablisman swen sante ki bezwen anplwaye akoz vag COVID-19 sezón ivè a.

Paternitya a apiye [Deplwaman 1ye desanm](#) 60 ekip medikal Gad Nasyonal Gouvènè Hochul nan divès etablisman swen alontèm atravè New York.

"Pandan n ap goumen kont vag sa, n ap deplwaye chak resous ki disponib pou reponn ak bezwen sistèm swen sante nou an, epi patenarya fòmasyon akselere sa ap ede asire ke pasyan ki pi vilnerab nou yo jwenn swen yo bezwen an," **Gouvènè Hochul te deklare.** "Depatman Sante a ak Gad Nasyonal New York nou an te travay kotakot pou konbat pandemi sa depi 1ye jou a, epi mwen fyè pou wè ke plan inovan sa ant de ajans yo pote fui. Lè moman yo difisil, Nouyòkè yo mete men ansanm epi jwenn solisyon."

Pou ogmante nivo pèsonèl Gad Nasyonal la ak fòmasyon medikal, DOH ak Divizyon Afè Militè ak Naval (Division of Military and Naval Affairs) Eta NY mete ansanm de klas fòmasyon EMT pilòt pou 80 manm sèvis (de klas 40) k ap kòmanse 5 janvye. Sa ap pèmèt manm sa yo disponib pou deplwaman klinik an fevriye apre 180 èdtan fòmasyon yo egzije a.

Y ap anseye klas DOH dirije yo nan Sant Rezèv Fòs Lame Fort Hamilton nan pòs Lame Etazini an nan Brooklyn ak Sant Rezèv Fòs Lame Farmingdale la nan Long Island. Elèv yo ap nan lòd misyon federal pou repons COVID Tit 32 a, epi gen sòlda siplément y ap idantifye pou fòmasyon si bezwen an ta pèsiste.

**Jeneral Divizyon Raymond Shields, te deklare,** "Sòlda Gad Nasyonal New York nou yo ak Airmen te pran nouvo misyon sou yon baz regilye depi kòmansman pandemi an, soti nan livrezon repa, fè tès nan sit yo pou ede administre plis pase kat milyon vaksinasyon. Manm sèvis yo ki te fè volontè pou fòmasyon sa ak misyon sa enpasyan pou ede kamarad sitwaye yo yon lòt fwa ankò."

**Komisè Sante Eta pa Enterim, Doktè Mary T. Bassett, te deklare,** "Sipòte sistèm swen sante nou an enpòtan pou pwoteje sante Nouyòkè yo ak travayè swen sante ewoyik nou yo. Gad Nasyonal la te fè yon patenarya ak Eta a pandan tout pandemi an, epi nou enpasyan pou lanse pwogram inovan an nan kolaborasyon avèk yo. Fòmasyon sa ap pèmèt nou gen plis pèsonèl klinik ki disponib pou deplwaman nan tout eta a - k ap enjekte sipò nan lè ak kote sa ka nesesè pi plis."

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)